

ნიუსთონი


ISSN 0132-0013

3



ქართული
საბჭოთა რესპუბლიკა

გამოსვლის ადგილი, (№ 1565) თბილისი, 1980, წლის 20 კვირა



გ. გ. გ.

— მკვნი, გვერდული ახლავე მომირგენინე განცხადება! ის აღბი-
ლი თავისუფლდება, შენთვის რომ მიხდოდა!..


თუმცა ჩვენს რესპუბლიკაში უამრავი სამუშაოა, ზოგიერთი ჩვენი თანამემამულე შორს მიემგზავრება მშობლიური კუთხიდან, რათა ფული ბლომად ჩაიჯიბოს.

სასტიკი ბრძოლა — ეგრეთწოდებულ მემზაბაშეებს!

ნ. ბ. ლომიძისა



სად წაიყვან სადაურსა?!



ნ. ბ. მალაზონისა

ალმანხორ თავაძე

უორმალიზმი

ულტრათანამედროვე დაავადებაა, თუმცა ფესვები შორეულ წარსულში აქვს. ფორმალისტის აზრით, ფორმა შინაარსის გამოვლინების კი არა, მისი მიჩქმალვის საშუალებაა, ამიტომაც, დაავადების შემთხვევაში, ფორმა, ესე იგი სიტყვა, მაქსიმალურად შორდება შინაარსს, ე. ი. საქმეს.

დაავადებას ხელს უწყობს ისეთი ფაქტორები, როგორცაა: ყალბი ზეიმურობა, დაუდევრობა, უკონტროლობა, პროტექციონიზმი, დოყლაპიობა, მიმტველობა, ნაყრუება...

ავადმყოფობა გარეგნულ კვალს არ ტოვებს, იგი სულის სიღრმეში იბუდებს. დამახასიათებელი ნიშნებია მოჩვენებითობა, ყოყორობა, საბუთომანია, ციფრომანია, პედანტიზმი...

ფორმალისტი ინფექციური სენია. ინფექციის წყაროს წარმოადგენს სიყალბისკენ მიდრეკილება. მისი ბაცილები, სამწუხაროდ, ბუდობენ ზოგიერთების კაბინეტებში, კანცელარიებში, ყველგან, სადაც ცდილობენ, მხოლოდ წარმატებებზე წერონ და იკითხონ.

ფორმალისტს ქვეყანა ცირკი ჰგონია და, გარდა იმისა, რომ ტაკიმასხარის როლს ასრულებს, კარგად ფლობს პიპნოზირებისა და ილუზიონიზმის ხელოვნებას, რაშიც ხელს უწყობენ ბრიყვი უფროსები და „მორჩილი“ ხელქვეითები.

ფორმალისტი კარგად ფლობს თვალთმაქცობის ხელოვნებასაც: როცა ერთ ხელს გართმევს, მეორეთი მინას გითხრის, პირზე გკოცნის და სულში გაფურთხებს; სიყვარულს გიმტკიცებს და სიძულვილს მალავს, პირში გლოცავს და გულში გაგინებს.

დაავადება დროთა განმავლობაში რთულდება და ავადმყოფი, ე. ი. ფორმალისტი, კარგავს მოვლენების რეალურად შეფასების უნარს და ექცევა ილუზიების ტყვეობაში — რასაც ამბობს, თვითონვე სჯერა. ფორმალისტზე აღერგიულად მოქმედებს ჩავარდნებსა და წარუმატებლობაზე ლაპარაკი. ამიტომ, თუ თანამდებობაც უწყობს ხელს, კრძალავს ასეთ ლაპარაკს.

ძალიან ადვილია ფორმალისტ უფროსთან მუშაობა: იგი საბუთებს გამადიდებელი შუშით უყურებს, საქმეს კი — ცალი თვალით. თუ რაიმე სიახლე წამოაყენე, თავპარიანად გთვლის, ძველი მეთოდების გამოყენებისათვის კი კონსერვატიზმს გნამებს, ამიტომაც იძულებული ხარ, არაფერი გააკეთო.

ფორმალისტი რომანტიკული ბუნებისაა: სასურველს სინამდვილედ მიიჩნევს.

დელიკატურია: უფროსებს ენას არ უბრუნებს.

პუმანისტია: არავის ურღვევს სიმშვიდეს.

ავადმყოფობის აღმოსაფხვრელად ჯერ დაავადების საშიშროება უნდა ვაგრძნობინოთ ავადმყოფს და თუ ამან არ გაჭრა, შესაბამისი ოპერაცია ჩავუტაროთ.

ნიანგის უბანს უხეზებენ

ზუგდიდის რაიონის სახალხო დეპუტატთა საქალაქო საბჭოს აღმასკომი:

1979 წლის მე-19 ნომერში სათაურით — შემთხვევა ზუგდიდის № 1 ატელიეში — დბეჭდილ ლექსში მოტანილი ფაქტი სინამდვილეა. წუნი გამოწვეული იყო უხარისხო მასალების მოწოდებით.

მიღებულაა ზომები, რომ მსგავსი შემთხვევა არ განმეორდეს.

ფხესაცვილის საწარმოო

გაერთიანება „ისანი“:

„ნიანგის“ 22-ე ნომერში გამოქვეყნებული კრიტიკული შენიშვნა — „იცით თუ არა თქვენ, რომ?...“, რომელიც შეეხებოდა ჩვენი გაერთიანების ვარკეთილის

ფაბრიკა-ფილიალის მიერ უხარისხო პროდუქციის გამოშვების ფაქტს, სწორია.

პარტიულ, პროფკავშირულ და კომკავშირულ ორგანიზაციებთან ერთად მოწვეულ იქნა „ხარისხის დღე“. წუნიანი პროდუქციის გამოშვებისათვის დაისაჯნენ მუშები მ. ახიანი და ტ. ზახურაული.


სასტიკი საყვედური გამოეცხადა წუნმდებელ ა. იმერლიშვილს, საყვედურები — ტექნიკური კონტროლის განყოფილების ბრიგადირ ა. ლაიშევას და ტექნოლოგ გ. ფედორცევას, რომლებმაც სათანადო კონტროლი არ გაუწიეს ტექნოლოგიური პროცესების სწორ შესრულებას.

წუნის აღკვეთისათვის გატარებულია მთელი რიგი ღონისძიებანი.


ფაუკი კაზიანი ზოგიერთი სოფლის თემაზე

- რას რა რა ფიქრობ, გივარგი, ფურნე რო აღარ გვივარგის?
- შენ ფურნის რასა კითხულობ, ბედი იკითხე მეფურნის, — არც სასმელ-საჭმელ აკლია, არც — ეზო-კარი მეფური!
- ე კლუბის ეზო, ნეტარა, რად დაემსგავსა ნაკლუბარს?
- მაშ, რა იქნება, მიტირე, ლორებ სუყველას აქ უბავ!
- ე ჩვენი სოფლის თაკვაცი რად არ მიხედავს გზა-შარას?
- რა ვი, ბევრ რასმე დაგვიბრდა, ალბათ, ნამდვილად გვაჭამა!
- არ მახსნეს, ნეტარ, კიდენა ი პარიკმახერ არჩილა?
- არა, ყელ კინალ გამამჭრა, სამ მანათ დამაყაჭვინა!
- სამ თვეს არ გამოჩენილა ე გაზის მამტან ისაკა!
- ორ მანეთს ითხოვს ბალონზე, მაგის მისაცემ ვის აქვა?
- თავის ადგილზე ვერ ვნახე, ჩვენი ვეტექიმ სად არი?
- შენს ნახვას ის რას დაექებს, დუმაცა აქვს და სათალიც!
- სასადილოდან რომ მოხსნეს, არ წასულაა შაბური?
- კოპგამგეობა მხარს უჭერს, — მწვადიც უნდა და შამფურიც!..
- ახლა ვიკმაროთ, გივარგი, აგვემტერება სუყველა!
- მეც ამას ვფიქრობ, ძმობილო, ცუდ სიზმარ ვნახე წუხელა!..

ჩაინერა ირაქლი არაბულმა



— აი, კლასის დამრიგებელიც ასეთი უნდა! ამისთანას ვერც ერთი მშობელი ვერ გამეპარება არაბიდან!



ეროვნული ბიბლიოთეკა

გონივრივი ვიტორ შალვაძე ქა: დაიბადა 1927 წელს, ცხინვალის რაიონის სოფელ არცევში, სახელი გაითქვა, როგორც ნიჭიერმა გამგემ — სულ ახლახან არცევის ხილის მიმღები პუნქტი ზემოგების მიმღებ პუნქტად გადააკეთა და პირველი სიფთაც აიღო.

ცხოვრებაში ნული ვიყო, თუ „ნული“ ვაშლი არ ავირჩიო, ოღონდ ფასიც ნულებით იქნება დამრგვალებულიო, უთხრა გორიდან მალულად ჩამოსულ ალექსანდრე გოგიაშვილს და 1500 კილოგრამ ვაშლში 1400 მანეთი ააშვლია.

ახლა კი ნულიანი ჭუჭრუტანიდან „იჭვრიტება და შიშობს, ჩემს „სროკს“ ნულიც არ მიუწერონო.

ინანიდი კონსტანტინე ნიკოლოზის ქა: დაიბადა 1955 წელს, ოჩამჩირის რაიონის სოფელ აძიუბაში, მუშაობდა იქვე, საყვავილე მეურნეობაში, სახელი გაითქვა, როგორც ყვავილებზე არიების უბადლო შემარულებელმა.

„ყვავილების სიყვარული ვიცი, ჯერ არავის გული მომიპარავსო“, წაიძვრა ერთ ბნელ ღამეს და აძიუბას პლანტაციამი შეიპარა. 9000 ცალი ტიტა დაკრიფა (სახელმწიფო ფასი — 2046 მან.), შინ გადამალული 480 ცალისათვის უნდა მიემატებინა და 1380-ცალიანი თაიგული შეეკრა, მაგრამ მის ირგვლივ, ანაზად, საბედისწერო წრე შეკრეს მილიციის მუშაკებმა.

პერულიძე ავთანდილ ახმადის ქა: დაიბადა 1950 წელს, ქობულეთის რაიონის სოფელ კვირიკეში. თავი გამოიჩინა „აჭარ-ხილბოსტანვაჭრობის“ მალაზიის საწყობის გამგედ მუშაობის დროს. დიდხანს უკვირდათ მის შემყურე კვირიკელებს: საწყობში აღარაფერი აწყვია და მაინც საწყობი პქვიით და ამიტომ აღარ გაჰკვირვებიათ, როცა რევიზიამ 1284 მანეთი დანაკლისი აღმოაჩინა და გამგის ბედიც სხვანაირად განაგო.

კვიტიანი შამილა ბაბუშვიძის ქა: დაბადებული 1930 წელს, ოჩამჩირეში; აბუხაბი ზონი ვალერიანის ასული: დაბადებული 1937 წელს, მცხოვრები გალში; ბურაძეკაია ვარვარა ვასილის ასული: დაბადებული 1932 წელს, გალის რაიონში; ჩინლაძე შილა მელიტონის ქა: დაბადებული 1933 წელს, წყალტუბოს მკვიდრი. მოსკოვის ბაზრის დახლებთან გუნდურად ასრულებდნენ სამშობლოს საგალობელს — „სხვა საქართველო სად არის, სად ნახათ ასეთ მანდარინს?!“ და თან წინ ოქროსფერი ციტრუსის გორები ედგათ. შეწყობილად მღეროდნენ, მაგრამ საქართველოდან ამ სიმღერის მოსასმენად ჩასული მილიციელების გამოჩენაზე რატომღაც სხვა ჩაუნწყდათ.

ხარაბაძე იური კონსტანტინეს ქა: დაიბადა 1936 წელს, იყო ქ. ცხინვალის სატყეო მეურნეობის ინჟინერი, უყვარდა სპორტი, განსაკუთრებით გამოიჩინა თავი სიმძიმეების აწევაში (აკვრა, ატაცო). სულ ბოლოს კი, „ცხინვალევაჭრობაში“ მუშაობის დროს, ატაცი აღარ გამოუვიდა, სამაგიეროდ დატაცში აჩვენა გადასარევი შედეგი — თვალსა და ხელს შუა 3186 მანეთის სამშენებლო მასალები დაიტაცა.

მიბრიაული რობერტ ალექსანდრეს ქა: დაბადებული 1932 წელს, მცხეთის რაიკოოპერატივის ლიმონათის საამქროს უფროსი. ყველა რეკორდი „დახურა“ — დაიტაცა 2300 ბოთლი ლიმონათი „ტარხუნა“.

მონონაშვილი რუბინ პარმანის ქა: დაბადებული 1950 წელს, სამჯერ ნასამართლევია.

გასული წლის 13 ნოემბერს მონონაშვილს ავტობუსში ქალის ხელჩანთა მოეწონა, თანხის რაოდენობა — 133 მანეთი — მილიციაში დადგინდა.

ბუკია მარგალიტა გარასიმის ასული: დაბადებული 1935 წელს, ცხოვრობს ოჩამჩირის რაიონის სოფელ მოქვაში და მეზობლებს არ აცლის სულის მოთქმას: ამას წინათაც ერთ მათგანს სახლში შეუვარდა და 350 მანეთის ჭურჭელი დაუშხვრია.

მარგალიტა მარია ალექსანდრეს ასული: დაიბადა 1936 წელს, მუშაობდა გორის რაიკომსაკომის კეთილმოწყობის კომბინატში ბრიგადირად. სწორედ აქ გაიფურჩქნა მისი ნიჭი. აქაოდა, კეთილმოწყობი ვარო, მფარველი ანგელოზის ფრთები გამოისხა, ვის ავტოინსპექციის მიერ ჩამორთმეული მანქანის მართვის უფლების დაბრუნებას შეპირდა და თანაც სულ მუქთად — 400 მანეთად, ვის — გორში ჩაწერას და მისგანაც ჯილდოდ 300 მანეთი მიიღო, ვის სიხარულით გული აუჩქროლა — ბინას მიგაღებინებო და 2500 მანეთი ააფცქენა. ახალ პასპორტს აგაღებინებო, ერთი კიდევ სხვა დააიბედა და 400 მანეთი ჩაიფიბა.

ახლა ფრთებნაჭრილი ზის კეთილმოწყობელ გალიაში და სულაც არ გახლავთ გალობის ხასიათზე.



ნახ. ც. ლანდლიანისა

მოკლე „გადარისხვა“

სომხური

ხალხური

იუმორი

— რამდენი შვილი გყავს? — ეკითხება ერთი ლენინაკანელი მეორეს.

— ორი.

— მერე, ორი შვილისთვის ინახავ ცოლს?!

— ძალიან ჰყვარები ხარ, ჩემო კარაპეტ, შენს სიდედრს, — უთხრა დედამ შვილს.

— რას ამბობ, დედიჯან?! მე რომ იმას ვუყვარდე, ქალს სხვას მისცემდა!

ნასადილევს ცოლ-ქმარმა „დურაკობანას“ თამაში გააჩალა. სამველი სკოლიდან დაბრუნდა და დედ-მამას მოახსენა, ამ საღამოს მშობელთა კრებააო.

— შენ წადი! — უთხრა ცოლმა ქმარს.

— არა! შენ წახვალ! — მიუგო ქმარმა.

მერე დათქვეს, კრებაზე ის წავიდოდა, ვინც „დურაკი“ დარჩებოდა.

— თქვენს პიესაში კონფლიქტი არ ჩანს! — უთხრა რეჟისორმა დრამატურგს.

— თუ არ დადგამთ, კონფლიქტიც გამოჩნდება და სხვა რამეც! — მიუგო დრამატურგმა.

ცოლ-ქმარს კონცერტზე დააგვიანდათ.

— რას უკრავენ? — შეეკითხა ქმარი გვერდით მჯდომ მეზობელს.

— ჩაიკოვსკის „მესამე სიმფონიას“.

— ხომ გეუბნებოდი, ვიჩქაროთ-მეთქი?! შენი მიზებით ორ სიმფონიას ვერ მოვუსწარი, — შეუბღვირა ცოლმა ქმარს.

ი.ფ.ს.ი



სომხეთის სსრ სატირული ჟურნალი „ვოზნი“ („ზღარბი“) 1954 წლის მარტში დაარსდა. მისი პირველი რედაქტორი იყო გამოჩენილი სომეხი მწერალი ჰრაჩია ქოჩარი. 1955 წლიდან კი ჟურნალს ცნობილი დრამატურგი და სასოფლო მოღვაწე გრიგოლ ტერ-გრიგორიანი რედაქტორობს.

„ვოზნის“ ვეტერანთა თაობას ეკუთვნის ლერ კამსარი, აშოტ ფალანჯიანი (აშფალი), ედუარდ ზოჭიკი, სურენ ვაჰუნი და ბაბკენ შაჰუმიანი.

ჟურნალში თანამშრომლობენ ცნობილი სომეხი მწერლები: ჰამო საჰიანი, სილვა კაპუტიციანი, სერო ხანზადიანი, არშავირ დარბი, მიქაელ ჰარუთიუნიანი, „ვოზნიმ“ აღზარდა ნიჟიერი იუმორისტი მწერლები და მხატვარი-კარიკატურისტები — გევორგ სტამბოლიციანი, ედუარდ სარქისიანი, კარლოს ელიაზარიანი, ნანსენ მიქაელიანი, ჰაიკ ტერ-ღაზარიანი, ვლადიმერ აბროიანი, ფირდოუსი დარფინიანი, მკრტიჩ კარაპეტიანი.

ჟურნალში სხვადასხვა დროს თანამშრომლობდნენ საბჭოთა კავშირის სახალხო მხატვარი მარტიროს სარიანი, სომხეთის სსრ სახალხო მხატვრები — სერგეი არუტჩიანი, არა ბეჟარიანი და სურენ სტეფანიანი.

მარშან „ვოზნიმ“ თავისი არსებობის 25 წლისთავი იზეიმა.

მასალები შეკრიბა და სომხურიდან თარგმნა არჩილ ღაბი-ტიანმა.

5. ბართაია

გადაუღებელი



ამოცანა

დღემდე მეცნიერული შესწავლის მთავარ ობიექტს უფრო საკულტო ხუროთმოძღვრება წარმოადგენდა. ეს ბუნებრივიცაა. აღნიშნულმა ძეგლებმა ხომ ჩვენამდე თითქმის თავიანთი პირვანდელი სახით მოაღწიეს. ხოლო ჩვენთვის საინტერესო საერო ნაგებობათა დიდი ნაწილის კედლები, გამოძიებულთა გაუთავებელი ჩხრეკის გამო, საკმაოდ დაზიანდა. მოგეხსენებათ, ამა თუ იმ ნაგებობათა მფლობელები კედლებში მალავდნენ ფულსა და განძეულობას. რა თქმა უნდა, მათმა ძიებამ დაუკარგა კედლებს პირვანდელი სიფაქიზე და დეკორი.

ამ ტიპის შენობები მეტწილად

წარმოადგენენ ორ და სამსართულიან ნაგებობებს, რომელთა პირველი სართული სამეურნეო, და, ნაწილობრივ, საცხოვრებელი დანიშნულებისაა. უნდა აღინიშნოს, რომ მათ, როგორც წესი, აქვთ სარდაფები, სადაც ქვევრებში, ღვინოსთან ერთად, ინახებოდა ფულიც.

აღნიშნულ სახლებში მთავარი მნიშვნელობა ენიჭება ზედა სართულს. ზედა სართული გეგმით უახლოვდება კვადრატს. მის გრძელ კედლებში დატანებულია სარკმლები, თაღოვანი კამარის ნალისებური მოყვანილობით. შენობები აგებულია მაღალხარისხოვანი აგურით. ნყოფაში გამოყენებულია ქვა.



ნახ. ვ. ლარსონინის



საცირაო ატრაქციონი მაცხვარეობის ფერმაში

„მოქალაქეობრივი ვალი“

იგი მძიმე ნაბიჯებით წამოვიდა წინ, შეთავაზებულ სკამზე დაეშვა, ღრმად ამოისუნთქა და არყისა და ნივრის მძაფრი სუნით აავსო ოთახი.

მინდოდა, ფანჯარა გამოემეღო, მაგრამ გადავიფიქრე, ვაითუ, ამით შეურაცხყოფა მივაყენო-მეთქი.

— გამოაღეთ, გამოაღეთ, მეც არ მსიამოვნებს სხეულის ნასვამ-ნაჭამის სუნი რომ შემიღიტინებს ცხვირში! ისე ჩვენში დაჩეხ და, თუ ხაში ნივრით არ ჭამე და ზედაც ლომის ცრემლები, ანუ არაყი, არ დააყოლე, კაპიკია მისი ფასი...

— მართალია! — დავეთანხმე.

— ეჰ, ამხანაგოჯან, ცუდად მიდის საქმე, ქვეყნად სიმართლე აღარ გადის! — ამოიოხრა მან.

მე წავუყურე.

— შეი, გიდი, — განაგრძობდა იგი, — რა დრო დადგა! არც კი კითხულობენ, ქვეყნად სიმართლე რატომ არ გადის?

— რა საქმეზე ხართ მოსული? — შევეკითხე მე და აუღენციას სერიოზული ხასიათი მივეცი.

— ქურდებისა და ყაჩაღების დასჯის საქმეზე! — რიხიანად მომიგო მან.

— სად არიან ეგ ქურდები და ყაჩაღები?!

— პრადანის სავაჭრო ბაზაში. იქ დეფიციტურ საქონელს ორმაგ ფასებში ყიდიან პირდაპირ საწყობიდან.

— საიდან იცით?

— ათ წელზე მეტ ხანს ვმუშაობდი მაგ ბაზაში.

— ათი წელი ჩუმად იყავით და ახლა ამოიღეთ ხმა?

— დრო არა შექონდა, ყელამდე ვიყავი საქმეში ჩაფლული... ახლა თავისუფალი ვარ, იქ აღარ ვმუშაობ!..

— რა თანამდებობაზე მუშაობდით?

— საწყობის გამგედ.

სიბრაზისაგან აღმოურა წამეკიდა, მინდოდა, მეყვირა, მაგრამ მხოლოდ ის შეექმლი, რომ სიგარეტი გავაბოლე.

იგი დინჯად წამოდგა კარისაკენ გასწია, გასასვლელში წამით შეჩერდა და ტყვიასავით დამახალა:

— მე სიმართლე გითხარით, ჩემი მოქალაქეობრივი ვალი მოვიხადე, სხვა თქვენ იცით!..

პარლუს ელნაზარინი

თარგმნა ტიბ-ტიამ

მოსდა სასწაული: ერთ ღამეს ბახტიკიანის არსებაში სინდისმა გაიღვიძა; გაიღვიძა რა სათქმელია, ვულკანივით იფეთქა, ლოგინიდან წამოაგდო, სანერ მაგიდასთან მიიმწყვდია, ხელში კალამი ჩასწარა და წერად დასვა:

„პატივცემულო ტორე ფილიპოვიჩ! უკვე ოცდახუთი წელი ვმუშაობ თქვენი სამმართველოს სისტემაში დირექტორად, არც ქება-დიდება მაკლია, არც — სიგულეები. ვიცი, მალე თქვენს მოადგილედ გადამიყვანთ, მაგრამ ღირსი ვარ განა?“

არა, არა და არა! გულწრფელად ვაცხადებ, რაც მე გამიკეთებია ამ ოცდახუთი წლის მანძილზე, აი, ეს არის: ნაბახუსევზე დამიღვივია 2.00 ბოთლი „ჯერმუკი“, გამიცვეთია ექვსი სავარძელი, გამომიცვლია შვიდი სახელმწიფო ავტომანქანა, რვა მდივანი, ცხრა ტელეფონის აპარატი, ამილია 45.000 მანეთი ხელფასი (პრემიების გარდა). თუ გუნებაზე ვიყავი, მივდიოდი სამსახურში, თუ უხასიათოდ — შინ ვიჯექი. სამუშაო საათების მეტი დრო ქალაქგარეთ მაქვს გატარებული, რესტორნებში (კარგი ხამის გაკეთება იციან გელარდის გზაზე), სამ მდივანს ჩემგან შეეძინა შვილები: ერთს — გოგონა, ორს — თვალმერცხალა ბიჭები...

რაკილა სამსახურს თავს ვანებებ, ამასაც გეტყვით: არასოდეს არ გცემდით პატივს, უბრალოდ გელაქუცებოდით, სკამს ვუფრთხილდებოდი და იმიტომ...“

ძილი მოურია, თორემ ვინ იცის, კიდევ რას დანერდა, კალამი ხელიდან გაუვარდა და როგორც იჯდა მაგიდასთან, ისევე ჩაეძინა.

რომ გამოეღვიძა პირველი, რაც ხელში მოხვდა, თავისი ღამისეული წერილი იყო. რამდენჯერმე გადაიკითხა, საკუთარ თვალებს არ დაუჯერა, მერე სიცილი დაიწყო, წითელი ფანქარი აიღო და კუთხეში წაანერა: „შე ვირო, შენა! აქედან სად წამიხვალ? გგონია, სხვაგანაც შეგარჩენენ მაგდენ ცოდვებს?“

პარლუს საპაქიანი

ნანსან მიქაელიანი

წიქიქურხები

ტაქსი, ძმაო, ალბათ მიტომ იწოდება ტაქსად, რომ ფასებზე ტაქსისტებმა დაგვიწესეს ტაქსა: აბაზს დაწერს — მანეთს მისცემ, ორ აბაზშიც — მანეთს! ტაქსი, ალბათ, შეხედვაშიც მანეთს მოგვთხოვს მალე!..

ვერ გასწვდება თვალი მის ბაღს, ვერ ასწვდება თვალი მის ჭერს! ვინც ის უნდა დაიჭიროს, ნათლავს იმთ გოგო-ბიჭებს, მონათლულის პატრონი კი ნათლიმამას რას დაიჭერს?! შენ არ იჭერ შენს ნათლიას? — ადგება და სხვა დაიჭერს!..

ნაგებობანი, უმთავრესად, გადახურულია თუნუქით, რაც სადასა და ჰაეროვანს ხდის მათ ხედს თვითმფრინავიდან. შენობის შინაგანი სივრცის მხატვრული გაფორმებისას იგრძნობა ფერთა სიჭარბე. არქიტექტორის აქცენტები მაინც გადატანილია შენობის ფასადის გაფორმებაზე. დიდი ყურადღება ექცევა ორნამენტული შემკულობის განაწილებას ახალ-ახალ მხატვრულ პრინციპებზე. დაცულია საძილე ოთახის შინაგანი სივრცის ინტიმური ხასიათი.

ნაგებობანი შემოსაზღვრულია დახშული გალავნით, რომელთა სიგანე ზოგჯერ ერთ მეტრს, ხოლო სიმაღლე ორ

მეტრს აღემატება.

შენობათა კედლებზე შემორჩენილია საერო ფერწერის ძვირფასი ნიმუშები. მაგალითად, ერთ-ერთი ძველის ჩრდილო-დასავლეთ კედელზე სასიამოვნო შთაბეჭდილებას ტოვებს მუქთახორას პორტრეტი. ის მოცემულია კეთილშობილური ფერადოვანი გამით, რომელიც თავისუფალია ზედმეტი სიჭრელი-საგან. უსაზღვროდ კმაყოფილი ღიპიანი კაცის თვალები მკაფიოდ მეტყველებენ მის უფლებრივ და ეკონომიურ მდგომარეობაზე.

აღსანიშნავია, აგრეთვე, ერთ-ერთ ნაგებობაზე დაცული საქმოსნის პორტრეტი. საქმოს-



ნი გამოსახულია ჩრდილში, ჭილოფზე ნახევრად წამოწოლილ მდგომარეობაში, მისი სახის ნაკვთები მიგვანიშნებენ საამო მოღლილობასა და განცხრომაზე. იქვე, ახლოს დგას მსუბუქი ავტომანქანა, რომლის მარცხენა, უკანა კარი ღიაა. საქმოსნის გამოხედვაში შერწყმულია უდარდლობა, თაღლითობა და გაიძვერობა.

უცნობი მხატვრის დიდ ოსტატობაზე მეტყველებს ფერწერული ტილო „მლიქვნელი“. პოზაში მდგომ კაცს თავი დაბლა დაუხრია. მის სახეს შიმნარევი ღიმილი დასთამამებს.

ნაგებობათა სასადილო ოთახი (დასასრული მე-6 გვ.)



ხევისათვის დამახასიათებელია შერჩევა თხრობითი კომპოზიციებისა, რომლებიც „ბ ა ძ ლ ო მ ი ს“ ციკლს მიეკუთვნებიან. კომპოზიციების თავში დგას თამადა, ყანწით ხელში. ერთგვარი სიმშვიდე ახასიათებს თამადის მხატვრული ფორმით გადმოცემის მანერას. მიუხედავად დახვეწილი ოსტატობისა, მაინც იგრძნობა დაცემის ნიშნები.

უანრულ კომპოზიციათა რიცხვს ეკუთვნის ერთ-ერთი შენობის კედელზე შემორჩენილი ფერწერული ტილო „მ ო ს ა მ ა რ თ ლ ე“. პორტრეტი წარმოადგენს მოსამართლეს, რომელიც კითხულობს განაჩენს.



სასამართლო დარბაზის ინტერიერი დაწერილია თავშეკავებული, ფერადი, სასიამოვნო გამით. თეთრფარდაჩამოფარებული ფანჯრიდან დარბაზში შემოდნეული დღის სინათლე აცოცხლებს მაგიდასთან მდგომი მოსამართლოს ფიგურას. ის ოდნავ განზე დგას ფანჯარასთან, რის გამოც თავი და პირისახის ნაწილი უფრო ძლიერადაა განათებული, ხოლო კომპოზიცია გამსჭვალულია პატიოსნების, კეთილსინდისიერების, კანონიერების დაცვის განწყობილებით.

ასევე ძლიერ შთაბეჭდილებას ახდენს ერთ-ერთი შენობის სამხრეთ-აღმოსავლეთ კედელზე გამოსახული მ ს ჯ ა ვ რ დ ა დ ე ბ უ ლ ი ს ნელში მოხრილი ფიგურა. კომპოზიციაში მწუხარე ახლობელთა ფიგურები ხელს აშველებენ მსჯავრდებულს.

ჩვენ შევეცადეთ, ზოგადად წარმოგვედგინა ხუროთმოძღვრების ეს საინტერესო ნიმუშები. მათი ნამდვილი მეცნიერული ანალიზი ხელოვნებათმცოდნეობის გადაუდებელი ამოცანაა!



ილუსტრაციები ჯ. ლოლუასი



პერძომეხაკუთრენი

ნ. ხ. ბ. ფიცხალავასი



— არ ჩააბღო, შვილო, შაური ხურდა მერგება!
— არც ვაპირებ. დედიჯან, ჩაგდევას!

მე, კარლო ალექსანდრეს ძე კობერიძე, მწერალი, მცხოვრები თბილისში (თემქის დასახლება, III მიკრორაიონი, I კვარტალი, მე-7 კორპუსი, ბინა 19) ოფიციალურად ვუჩივი ქალაქის თბომეურნეობის უფროსსა და მისდამი დაქვემდებარებულ ხელქვეითებს მასზედ, რომ 1980 წლის 1 იანვრიდან, არ ვიცი, როდემდე უსისტემობის საბაბით, გამომირთეს გათბობის სისტემარის გამოც ვერ გაუძღეს სიცხევს და გამეჭვტა თორმეტი სტუმარი, ოთხი მეზობელი და ორი მოთხრობა, რომელთა დაწერა იმ დღეებში მქონდა განზრახული. გთხოვთ, არ ჩამართოთ გათბობა (იმედი მაქვს, ამას თხოვნის გარეშეც შემიძრულე!) და დაუყოვნებლივ გადამიხადოთ ორი მოთხრობის პონორარი (საავტორო თაბახის ღირებულება უურნალში — 300 და წიგნშიაც 300 მანეთი, ე. ი. 300×4=1200 მან.). როგორც ორმხრივად დაზარალებულს, ამ თანხით მსურს შევიძინო „დუბლიონკა“ (რომელსაც ალბათ, ვერც ვიშოვი!), მატყლის საბნები და სპირტქურა!

საჩივარი № 2

შარშან, 2-დან 13 ნოემბრამდე, მივლინებული ვიყავი ბათუმში, სადაც ტარდებოდა საქართველოს ღია ჩემპიონატი ჭადრაკში მოსწავლეთა შორის, 13 ნოემბერს თბილისის მიმართულებით მატარებელი აღარ გავიდა. ავადმყოფ დედაჩემს რომ არ ენერვიულა, გავუგზავნე სასწრაფო დეპეშა, კარგად ვარ და თხოუმეტში ჩამოვალ-მეთქი. მართლაც ჩამოვედი, დედაჩემს კი დეპეშა არ ჰქონდა მიღებული. აღმოფოტებული მივედი ფოსტაში ბულაჩაურის ქუჩაზე (საფოსტო განყოფილება 42), რომელიც ჩვენი სახლიდან ასიოდ მეტრითაა დაშორებული. მომთხოვეს ქვითარი. გამოვიქეცი სახლში, ის იყო, ავიღე ქვითარი და... ფოსტალიონიც მოგვადგა კარებზე დეპეშით (როგორც ჩანს, უკან დამადვენეს!). ვთხოვე, დეპეშაზე აღენიშნა ჩაბარების თარიღი, მაგრამ მან დეპეშა შემოსასვლელში დაავდო და გაიქცა. ფოსტაში კი, ნაცვლად იმისა, რომ ბოდიში მაინც მოეხადათ, აქეთ გამამტყუნეს!..

შოთა ინჰირველი



ქართული
ლიტერატურა

ზის იგი თავის კაბინეტში ფეხ-
მოუცვლელად და ზოგადკაცობრიული
მშერით გასცქერის უზოგადეს სივრცეს.
სახეზე ბუნების მშვენიერებით გამოწვე-
ული ზოგადმხატვრული დიმილი დასთა-
მაშებს, რაიც მოწმობს, რომ არაამქვეყ-
ნიურ, ზოგად პრობლემებს დასტრიალებს
ზოგადი ინფორმაციით გატენილ მის
თავში მოფუსფუსე ობოლი აზრი.

სასტაკად სძულს ერთეული, კონკრე-
ტული, კერძობითი; აღმერთებს მრავალს,
აბსტრაქტულს, ზოგადს. ეს იმი-
ტომ, რომ მიუხედავად ფილოსოფოსთა
მტკიცებისა, ერთეულსა და ზოგადს შო-
რის ვერავითარი კავშირი ვერ აღმოაჩინა:
„სადაც არის ერთეული, იქ არ არის მრავალი.
თუ გვაქვს მრავალი, იქ ერთეულს
რა უნდა!“ — ასეთი ლოგიკით მსჯელობს
იგი, მით უმეტეს, რომ პრაქტიკულად
დიდი ხანია დარწმუნდა — ერთ მანეთს
ბევრი სჯობს, როგორც ზოგადი.

განათლებაც შესაფერისი — ზოგადი
აქვს, ძალიან უყვარს წიგნებში წინასი-
ტყვაობებისა და ბოლოთქმების კითხვა:
რაც ზოგადია, აქ არის თავმოყრილი და
დანარჩენი, კონკრეტული, სიღრმისეული,
მე არ მეხებაო.

ცხოვრებაც ზოგადად უყვარს, ისე,
პოლიტიკის გარეშე, ინდიფერენტულ-აბ-
სტრაქტულად. იდეის სამსახური თავი-
სუფლების ფრთების შეკვეცად, სამოქმედო
ასპარეზის შეზღუდვად ეჩვენება; და
არის ასე — ნეიტრალურ-ინერტულ-გან-
ზოგადებული, ერთი მოძენის გარდა:
გიჟდება საზოგადო საკუთრებაზე, რომელსაც
მრავალი უპირატესობა აქვს კერძოსთან
შედარებით — სრულიად უმტკივნეულოდ
შეგიძლია ისარგებლო მისი სი-



ნახ. ჯ. ლოლუასი

კეთითო. ამიტომ მის ხელყოფას არავის
აპატიებს: საკუთარ ვრცელ სახლშია, სა-
კუთარ მწვანეში ჩაფლულ აგარაკზე, თუ
საკუთარ უახლესი მარკის მანქანაში,
ვერ ისვენებს, სულ ბღღვირს ადენს კერძო-
მომესაკუთრული ინსტინქტებით გაჟ-
ღენთილ ანტიპოდებს!..

ზოგადს სხვა უპირატესობაც აქვს ერ-
თეულთან, კერძოსთან, კონკრეტულთან
შედარებით — იგი არაფერს გავალდებუ-
ლებს. ისვრი ზოგად ფრაზებს, მკითხავი-
ვით ყველას სატკივარს მორგებულს, და
ყველა კმაყოფილია. აბა, სცადე, კონკრე-
ტულად ვინმეს შეეხე!

სამსახურში მოსწონთ მისი პოზიცია,
ზოგადობა მასშტაბურობის ექვივალენ-
ტად ჩაუთვალეს, წერტილმანი კაცი არ
არის, არ უყვარს ჩაძიებაო, და იერარქი-
ის საფეხურები სულ ფხაჭაფხუჭით აარ-
ბენინეს. ახლა რაღა შეაცვლევინებს თა-
ვის კრედოს? — ზოგად საქმიანობაში
ჩაეფლო.

— ამ ფაქტს რა უყვით, პატივყემო?
— ჰკითხეს ზოგად ფიქრებში წა-
სულ უფროსს.

— ზოგად ასპექტში განიხილეთ! —
იყო პასუხი.

— დეტალურად აღწერით პროცესი?

— ზოგადად დაახასიათეთ!

— უხეში შეცდომა რომაა დაშვებუ-
ლი?

— ზოგადად მიუთითეთ!

კვარტალურ ანგარიშსაც ზოგადად აღ-
გენს, არ იწუხებს თავს რაღაც ფაქტე-
ბით, ციფრებით, მაგალითებით, რაიც მხო-
ლოდ ფანტაზიის დასამუხრუჭებლად გა-
მოუგონებიათ. გეგმის შესრულების მნიშ-
ვნელობის ზოგადად განმარტების შემ-
დეგ, საწარმოს მუშაობის კონკრეტული
ანალიზის ნაცვლად, პირდაპირ ზოგად
დასკვნებზე გადადის.

— კი, მაგრამ, გეგმა რომ ზოგმა შეას-
რულა და ზოგმა ვერა, ეს მაინც გეთქვათ,
დაგესახელებინათ? — კითხულობს ვიღაც.

— რას შეცვლიდა მერე ეგ? — კითხ-
ვასვე უბრუნებს იგი. — ეთქვათ, დავწ-
ვრილმანდი და დავასახელე ზოგიერთი,
ყველას ზომ ვერ გავწვდები მაინც და არ
სჯობია ისევ ასე, ზოგადად!

და ტრიალებს საზოგადოებაშიც ასე
ზოგადად, დიდ სიამოვნებას გვრის ზოგად
აქსიომატურ ჭეშმარიტებათა სტერეოტი-
პული ვარიანება და სხვათა მსჯელობე-
ბის არბიტრაჟული შეჯამება-განზოგადე-
ბა. სამაგიეროდ, არც ზოგიერთები რჩე-
ბიან ვალში ასეთი ზოგადი თვისებებით
დაჯილდოებულ პიროვნებას და ხშირად
გაიგონებთ მისი მისამართით — დიდი
საზოგადო მოღვაწეაო!..

ირაკლი ყიფიანი

საზოგადოებრივი ინფორმაცია

ანტონ მიტოზინაბა
(ჩეხოსლოვაკია)

დირექტორი — თავის
მოაღვილეს:

— ხვალ, ცხრა საათზე, მზე
დაბნელდება, რაც ყოველდღე
როდი ხდება. ვფიქრობ. ურიგო
არ იქნება, ჩვენმა მუშებმაც იხი-
ლონ ბუნების ეს იშვიათი მოვ-
ლენა. ამიტომ ხვალ, დაე, ყველა
გამოვიდეს ევოში პირდაპირ სა-
მუშაო ტანსაცმლით! ამ უიშვია-
თესი მოვლენის დაკვირვების
დროს მე სათანადო მოხსენებას
წავიკითხავ. თუ წვიმა იქნა და

არაფერი გამოჩნდა, ლექცია სა-
სადილოში გაიმართება.

დირექტორის მოაღვილე —
საამჟამო უფროსს:

— დირექტორის მითითებით,
ხვალ, ცხრა საათზე, მზე დაბნელ-
დება. თუ იწვიმა, სამუშაო ტან-
საცმლით მისი ნახვა შეუძლებელი
იქნება. ამ შემთხვევაში მზის დაბ-
ნელება სასადილოში მოხდება,
რისი ნახვაც, რასაკვირველია, ყო-
ველდღე როდია შესაძლებელი.

საამჟამო უფროსი — ცვლის
უფროსს:

— დირექტორის განკარგულე-
ბით: ხვალ, ცხრა საათზე, სამუშაო

ტანსაცმელში დაბნელდება მზე.
დირექტორმა ბრძანა აგრეთვე,
რომ ამ დროს წამოვიდეს წვიმა,
რასაც იგი ყოველდღე ვერ ხედავს
ხოლმე.

ცვლის უფროსი — ბრიბა-
დირს:

— თუ ხვალ სასადილოში წვიმა
წამოვიდა, რაც ყოველდღე როდი
ხდება, ცხრა საათისათვის გაქრება
სამუშაო ტანსაცმელში გამოწყო-
ბილი ჩვენი დირექტორი.

ბრიბადირი — მუშებს:

ხვალ, ცხრა საათისათვის, გაქ-
რება ჩვენი დირექტორი. სამუშაო-
როდ, ასეთი რამ ყოველდღე რო-
დი ხდება!..

3. III 134 80



КОНТРОЛЬНЫМ
ОБЪЕКТУ

ატლანტელი ათლანტი

ამერიკის შეერთებული შტატები გაძლიერებული ტემპებით განაგრძობენ ღაშინებისა და კუნთების დემონსტრაციის პოლიტიკას მსოფლიოს მთელ რიგ რეგიონებში.

პრემიერ-მინისტრის მდივნობა ადვილი არ არის!

ნახადილევს იაკონიის პრემიერ-მინისტრმა თავისი მდივანი, მშვენიერი იაკიმა, იხმო და სიგარეტის მოტანა უბრძანა. დავალება ადვილი და ნაცნობი იყო, ქალიშვილი მაშინვე გაეშურა პრემიერ-მინისტრის რეზიდენციის პირდაპირ მდებარე მაღაზიაში, სადაც მთავრობის წევრები, ჩვეულებრივ, თამბაქოს ყიდულობდნენ. იაკიმა რამდენიმე წუთში დაბ-

რუნდა და ქაღალდებში თავჩარგულ პრემიერის სიგარეტის კოლოფი მაგიდაზე დაუდო, პრემიერმა ირიბად ამოხედა სიგარეტის კოლოფს და თავი გააქნია. — გმადლობთ, არ ვეწვი! — როგორ?! განა თქვენ არ მიზრძანეთ სიგარეტის მოტანა, სან?! — გაკვირვებული შეეკითხა იაკიმა. — მე გიბრძანეთ?! შეუძლებელია! მე სიგარეტს არასოდეს ვ-

წვოდი! — თქვა პრემიერმა და კვლავ ქაღალდებს დაუბრუნდა. — მაშ, განა ეს თქვენ არ მოსწიეთ?! — არ მოეშვა მდივანი და სიგარეტის ნაწიკვებით სავსე საფერფლეზე მიუთითა. — აა, — თავი ასწია პრემიერ-მინისტრმა, — ეს, ალბათ, ტანაკასანის ნაწიკვარია! — თქვა მან დიმილით — იგი სომ გადადგა! გაოგნებული იაკიმა ახლდა მიხვდა, რომ პრემიერ-მინისტრის

სავარძელში, ტანაკასანის ნიკვლად, სხვა კაცი იჭდა. — ტანაკასანი გადადგა, რადგან მისი მთავრობის წევრები ფინანსურ მაქინაცტაში ამხილეს პრემიერ-მინისტრად მე ვარ დანიშნული! — განუმარტა ახალმა პრემიერ-მინისტრმა, როცა იაკიმას გაოცებულ სახეს შეავლო თვალი.

— მაგრამ ეს თქვენთვის არაფერს არ ნიშნავს, — დიმილით დაუმატა ახალმა პრემიერმა, — თქვენ ჩემთან იმსახურებთ! ახლა კი ერთი ფინჯანი ყავა მომიტანეთ!

ბედს შერიგებული იაკიმა დავალების შესასრულებლად წავიდა. იგი ზუსტად ხუთი წუთის შემდეგ დაბრუნდა და პრემიერ-მინისტრს ყავის ფინჯანი დიმილით დაუდგა. მაგიდაზე, პრემიერმა ფინჯანი ხელით გასწია გვერდზე ისე, რომ ქაღალდებიდან თავი არ აუწევია.

— გმადლობთ, ახლახან დავლიე! — თქვა მან უკმაყოფილოდ და თვალებით აგრძობინა, ხელს ტყუილუბრალოდ ნუ მიშლითო.

— როგორ, თქვენ არ მიზრძანეთ ყავის მოტანა, სან?! — გაოცდა ქალიშვილი.

— მე გიბრძანეთ?! რას ამბობთ?! მე თქვენ ჭერ თვალითაც არ მინახავხართ! — პრემიერმა თავი ასწია და იაკიმა ყურადღებით შეათვალიერა.

მდივანი გაოგნებული შემყურებდა მამაკაცს, რომელიც მართლაც არასოდეს ენახა.

პრემიერ-მინისტრმა ერთხანს უყურა ქალიშვილის ღბნეულ სახეს, უცებ ყველაფერს მიხვდა და ახარხარდა!..

— აა, გასაგებია! თქვენ, ალბათ, ფოკუდა-სანმა გთხოვთ ყავის მოტანა ის სომ გადადგა!

— გადადგა?! — უფრო გაოგნდა მდივანი.

— დიას, აღმოჩნდა, რომ ქრთამს იღებდა ამერიკელებისაგან, როცა პარლამენტის დეპუტატი იყო! პრემიერ-მინისტრად მე ვარ დანიშნული! — უკვე საქმიანი ტონით დაუმატა ახალმა პრემიერმა.

სალამოს, იაკიმას დაქანცულ სახეს რომ შეავლო თვალი, ვაჟმა, რომელსაც იგი ერთ თვეში ცოლად უნდა გაეშუოლოდა, თანაგრძნობით ჰკითხა:

— ძნელია პრემიერ-მინისტრის მდივნობა?

— ადვილი როდია, — მიუგო ქალიშვილმა, — მით უმეტეს, თუ არ იცო, მორიგი დავალებიდან დაბრუნებულს, ვინ დაგზავნება ქვეყნის პრემიერ-მინისტრის სავარძელში!

ჯორჯი

მთავარი რედაქტორი ჯაჭურ გომეზავამ საბადაშიძის კოლეგია: ზ. კაციაშვილი, ჯ. ლოლუა, გ. ლომიძე, ნ. მაღალაშვილი (სხატვ. რედ.), ბ. ნიხაიანი, ბ. სიხარულიძე (პ/მე. მდივანი), ბ. შირიძე, ბ. ზაქარაიძე, ბ. ზემინაძე, ბ. ბაქალაშვილი, ბ. საბირიძე და იმერეთის უნივერსიტეტის „ნიანგი“ ობლიოსი, რუსთაველის პროსპექტი № 12, საქართველოს კ. ც. კ. ს. გამომცემლობა, გადაეცა ასაწყობად 2/1 80 წ. ზელონურილი დასაბჭოდ (1/1) 80 წ. ქაღალდის ზომა 70x105, ფიზიკური ნაბეჭდი ფურცელი 2. სააღრიცხვო-საგამომცემლო თაზანი 1.7. საქართველოს კ. ც. კ. ს. გამომცემლობის სტამბა, თბილისი, ლენინის ქ. 14. შენა 27. შპ 00628. ტირ 160.100. თბილისი, პრ. რუსთაველი № 42. Сатирико-юмористический журнал «Ниянги». Издательство ЦК КП Грузии. Типография Издательства ЦК КП Грузии, Тбилиси, ул. Ленина № 14. ტელეფონები: 99-76-69, 93-19-42, 93-10-78, 93-49-32. რედაქციის მისამართი თბილისში არ უბრუნდება.